

Korleis arbeider vi?

- På **STUDIERINGAR** får du lære meir om arbeidet til NMU. På **LAGSMØTE** drøftar vi arbeidsoppgåvene og har det kjekt i lag. Målfolk syng mykje, og NMU har gitt ut si eiga songbok, som heiter **SYNG**. Kvart år er det mange **SEMINAR**, og kvar sommar er det **MÅLLEIR**, der folk frå ulike stader møtest og lærer av kvarandre. **LÆREMIDDELAKSJONAR** og **DIALEKTAKSJONAR** jener til å få gjort kjent kva vi driv med og til å få igjennom krava våre. I samband med arbeidet for å drive opplysning om målarbeidet, gir vi også ut ei eiga avis, som heiter **MÅLFRONT**.

**KAMP
FOR
NYNORSKE
LÆREMIDDEL**



Korleis er NMU bygd opp?

- NMU har omlag 3000 medlemmer delt på rundt 75 **LOKALLAG**. Lokallaga er viktigaste lekken i NMU. Laga i kvart distrikt vel eit **DISTRIKTSSTYRE**, som samordnar arbeidet i distriktet. **SENTRALSTYRET** sit (for tida) i Oslo og samordnar arbeidet for heile landet. **LANDSSTYRET** har 9 landsmøtevalde folk frå ulike stader i landet. **LANDSMØTET** er sett saman av utsendingar frå alle lokallaga, og er det høgaste organet i NMU.

Vil du vite meir om NMU?

- Klipp ut slippen nedanfor og send den til adressa som står oppgitt, eller til

Norsk Målungdom
Storgata 37,
OSLO 1

Til

(Lokallag, postnr. og -stad)

Eg ønskjer å få tilsendt informasjonsmateriell om NMU

Namn

Adresse

Postnr. og -stad



KVA ER NORSK MÅLUNGDOM?

Kva er målkuing?

- Kanskje går du på ungdomsskulen. Du har bokmål som hovudmål. Helst ville du skrive nynorsk slik som på barneskulen i heimbygda. Men på ungdomsskulen kom du i ei klasse der nesten alle alltid hadde hatt bokmål som hovudmål.
- Kanskje er du frå ein by. Du snakkar dialekten din. Så fekk du arbeid på kontor. «Legg av deg det gatespråket og snakk så folk forstår deg!» sa sjeffen.
- Kanskje er du frå ei bygd. Du har kome til byen for å arbeide, og du er på jakt etter hybel. «Kom igjen nå du har lært deg å snakke norsk!» sa ein som hadde ein hybel å leige ut.
- Kanskje går du på yrkesskulen og har ingen lærebøker på nynorsk.
- Kanskje er du medlem i eit idrettslag eller ei fagforeining som berre brukar bokmål.

MEN DU SNAKKAR DIALEKT!

Kva vil vi?

- Norsk Målungdom arbeider for at



- dialektane skal verte rekna for det fullverdige språket dei er
- folk skal få snakke dialekten sin fritt
- alle skal få bruke retten sin til å skrive nynorsk

Kva gjer vi?



- Dialektarbeid
- Skulemålsarbeid
- Norskopplæring
- Læremiddelarbeid
- Målarbeid i Forsvaret
- Målarbeid i næringslivet

- Dialektarbeidet er grunnlaget for alt målarbeid
- Nynorsk skriftspråk byggjer på dialektane. Derfor er det viktig å arbeide for at nynorsk vert teke i bruk som opplæringsmål i barneskulen.
- Norskundervisninga må ta sikte på å gi opplæring i samanhengen mellom dialektane og nynorsk skriftspråk.
- Mangelen på nynorske læremiddel er skræmmande. NMU meiner at det er staten sitt ansvar å rette på det.
- NMU arbeider for at Forsvaret må rette seg etter Mållova, som slår fast at alle offentlege organ skal gi folk materiale på det målet dei ønskjer.
- Ei viktig oppgåve er å arbeide for at alle skal kunne få snakke dialekt og skrive nynorsk på arbeidsplassen sin.